




棲霞小志

卷	福
	霞
	小



棲霞小志

秣陵盛時泰仲交

章淨業堂

堂在退居之右乃前住山興善搆以處僧高峰者峰既去僧大覺與眾煉魔其中後覺自往天開巖結茅為菴而堂遂無人又後乃有講經僧貞節者來節因而拓大之不久亦棄去今僧明通者領眾以居堂後有浴室前為軒兩傍各有廊廡門外臨小澗澗上有橋橋邊古樹鬱蔥藤繞其上春深開花落英滿地散如紫貝最可游衍自此曲折可達山顛皆近時諸禪僧所創搆乃往歲未有者蓋寺雖古剎數十年來住人稀少至者惟在東峰視此皆樹林豺虎故雖勝處亦湮沒無聞自法會興與善二公來協力興起僧徒始盛此亦山之一大遭遇也節有石偈在壁上意以此為十方禪院人皆可居不欲其後人獨有之

棲霞小志

卷一

般若菴

僧慧光游自新安至棲霞愛白鹿泉之勝結茅而處鄉人吳一恭蹤跡之以贊與光光請於興善乃即舊般若臺遺址搆一堂以居光素與十岳山人王寅交寅來宿因倡眾復為大之後築石臺嵌四十二章金剛遺教三經汪少司馬道昆為作記名般若而菴之稱亦因之菴外鑿地得泉其吐如珍珠號珍珠泉人多汲之上覆以亭吳一恭自有記刻於石菴內有邢侍講及今大司馬姚江翁公所立扁

可容菴

由般若菴下出珍珠泉緣石磴而上可至觀音菴而磴傍松篁中有小菴曰可容者乃僧行簡所建也簡幼出

家雞鳴後爲靈谷住持能仁右覺義老乃來隱於此雖曾視寺之篆而貧苦自勵在菴中日惟誦經持咒信心淳篤故人皆以可容菴主稱之

文殊菴

在可容菴之左門外有徑可下至古佛菴上達法華菴以陟山之顛徑皆因山勢曲折而成內種蔬外植桃編而爲籬松栗雜樹離立於上春暮夏初則紅英綠蔭錯滿左右游人行其下衣袂皆有香色然知者亦少非耽於山者不能久宿則車馬之迹交於石路望山問名指點歎惜身欲畱而心已先還矣又惡能上下於茲耶

綠蘿菴

菴在可容文殊之上觀音之下今僧無學名法通者居之其地雖小然屋宇亦潔通習經教知書史茅簷薜壁杞叢藥徑脩脩可意有吳人所書菩提巖三字故人又以菩提巖稱之治土得泉可資以飲出林而望鄰菴之三壇石實在眉睫修松參差錯落道路壁上有聯云小洞穿斜竹重巖夾細莎者若足稱實景也

觀音菴

菴之地號虎穴巖大石林立色如蒼鐵始未有來居者講師貞節乃誅茅爲大士殿曰圓通精舍旁有禪室左爲華巖樓羣僧日夕諷經於上四方來齋施者絡繹道路節能誦經善紀綱屋宇隨所至俱稱宏敞而獨此菴號圓通以始構時今少宗伯秋溟殷公邁使人持滁州石刻大士像來故也菴前後多詩以松柏壘石爲垣治地作圃種蔬植竹眾務並興日夜不息羣而處者不下千指蓋攝山自法會興善經理之後惟此爲最盛矣

普濟菴

菴在觀音左其僧喜峰者金壇人也因以金壇菴呼之

棲霞小志

然其實名普濟也喜善持咒日夕躬自施食募眾建三
壇石於菴門外層基累石工力精緻未畢而歿今雖未
及完美然實利生盛事後人定有繼成之者始予萬曆
甲戌由北學改南居雞鳴山寺者四越月號所居之室
曰龜湖雪舫每上下石徑歎其規制之妙欲爲作一記
未果寺有石臺乃洪武中西方僧施食者寺之僧猶能
言其槩每以牛羊諸食物置盤中番僧羣坐咒之則悉
化爲水夜中以飯施鬼則鬼爭來食然臺之前必以橋
今橋與門雖湮而故蹟宛然喜之臺在曠野中其前亦
卽平地爲橋者意亦猶此蓋喜欲建時尋問其制於雞
鳴山故與予所見聞者相合然人知者鮮矣

大覺菴

僧慧能先在棲霞禪堂供眾後退入西峰卽幽居菴故
址葺茅而處久之又移於天開巖之上始有瓦屋左爲

棲霞小志

三

庖廚右爲禪室最後乃有都人卜鐘劉應麟者出貲以
構客堂寢室地勢爽塏規制雅潔號大覺菴菴之外爲
石橋橋左右上下多種桃春時花滿崖谷載酒而游者
如入武陵也能素勤力苦行師徒共席一僧年七十餘
終日跌坐閒以食時與人一二言然不言時恆多冬褐
夏葛鶉結而服之人咸歎其能觀心蓋亦晏默者

污西凹

天開巖俗名污西凹舊有沈傳師祖無擇王雱題名歲
久失其所在乃妄以中峰之巨石當之號於人曰此天
開巖也而人亦信謂巖在此矣近歲住持興善與禪僧
法會偶使人掘土得字隱隱有若天開巖三大書者今
時樵徑本昔日佳處而疏鑿之下諸刻畢露始稍稍有
人來游矣僧大覺結茅以居久而漸成屋宇今遂鬱然
於西嶺之下修途種樹開畦引流游者自此登顛益不

知陟降之勞矣

醒石

醒石二字不知何人所題橫書大可四五寸布置參差不甚方整蓋因石勢凸凹使然也下卽張稚圭題名處稚圭題名見志與沈傳師徐鉉徐錯祖無擇王雱並稱今祖題予旣獲見而又得張公此書其所恨未見者獨沈與王爾然張之字云張稚圭稚游治平丁未來意稚游乃其弟歟志亦未之及也此猶祖無擇題名中有徐太盞清一者皆因二公而附見者也傍又云治平二年四月黃君祥劉昱游白雲菴謹題陳良肱偕菴主渺禪師游治平丁未十月十日稍上又直書碧蘚亭三字傍云治平丁未孟夏己酉仲基記丁未十月曲轅子游予意碧蘚亭三字必仲基所書獨不知仲基何姓及尋其上又有字云治平丙午季秋十一日游此菴記王仲

樓震小志

四

基同河南富子澄至是仲基者乃王姓亦好游士也

迎賢石

迎賢石三字在天開巖後大可二三寸下書云癸卯仲冬伯奇獨來山僧言舊有路可上此石當路之曲折處故號迎賢又以此石正與中峰之巔相對若迎之者然故稱迎賢二者皆不可辨矣而獨不知伯奇爲何人今年萬曆戊寅三月二十二日同沈君聘與僧慧能法通上天開巖捫蘿得祖無擇題名甚喜而又於其傍得字云會稽錢伯奇凌晨來游和上人繼至宣和癸未十月望日乃知伯奇者錢姓也

石房

石房二字在迎賢石之傍無他名姓可考石之下近亦多土不知當時所以題之之意然有仄路可上度一橫石坎卽至懸壁下題唐公巖三字上有祖無擇所題名

祖字久無知者自予與僧捫蘿剔蘚手摸水拭以意讀之而後得始祖擇之與王元澤俱同時其來游歲年想不甚遠今祖刻旣幸無恙而粵之名獨不見於石不知何也若沈傳師之名則其去二公尚在前幾百年風雨剝落尤爲難覓何時山靈出示使吾輩游者得一見之若親覩唐賢風度耶

唐公巖

唐公巖三字在祖無擇題名石之下其四傍最盛鐫刻然不可辨者多閒稍有可讀者如云胡亞來別白雲老又云宣和乙未秋八月趙士駒邵搏與惠師同游又云張陵蘇稅專訪居士然公五月六日又云張耘老己亥六月六日來游又云趙伯晟沈植釋某人同游熙庚子九月二日諸刻其下一石又云韓晞道德猷洪叔介全來以上諸題名蘚痕模糊用水墨拭之然後見皆予

棲霞小志

五

與僧躬歷尋之其叔介二字回旋至十餘然後得其筆意伯晟卽上元令今千佛巖石柱上有詩巖之上又得字云韓宗厚段與京同道徵闕來游熙闕甲寅九月中旬後又有秋光二字不知何謂也傍又題彥淵彥樞闕持國宣和元年四月諸字吁古稱石有時而泐昔人書時豈期今之泯滅若斯耶然予與二僧亦迂矣

天開巖

西嶺上下遠望若無路者近卽之則亂石縱橫中一大壁上書天開巖三字在石之傍中開一路而上卽其地詳其題名之意真有巨靈擘山之勢不知爲誰人所書也久爲土所壅近時僧慧能始出之按志但言天開巖有沈傳師徐鉉徐錯祖無擇張稚圭王粲諸題名而近人以千佛巖之上巨石當之不知巖本在西峰又不知諸題名不同在一處也慧能雖開地得巖亦不知其上

下多題名題名者皆唐宋名賢自昨予與沈君聘及山僧法通同能躡顛尋之乃得字云祖無擇擇之徐太監清一同游憩此巖慶曆乙酉三月十三日題傍又云魏中庸道常男思文崔程君某同至皇祐己丑九月十八日又云新定方楷歙郡國宗顏辛卯望日同游又云魏中庸謁白雲老又云江陵蘇松辛卯二月六日來其他漫滅者多予不能詳雖二僧亦倦尋矣

法華菴

出天開巖小石橋由側徑而上折而下有茅菴焉不甚廣也其始爲雲谷師之孫曰徧空者所葺旣棄之而去今方僧一人居之日晚諷法華於內編蘆爲門樹柳爲柱傍有土坎可飲多散植桃李迴望天開巖及攝山之顛雲氣常滿人目僧自言欲禮天下四山已經五臺普陀矣而尚未至峨眉雞足隨緣至此將爲重整之成以

樓閣小示

六

法華爲名故今人稱爲古巖而因名其菴曰法華

凌虛室

凌虛室在攝山上將及於顛矣而猶未至此則下視佛宇上仰神祠一睇而江山盡矚矣乃上元令莆田林公大黼以賞命今住持清柏所建者其前爲太虛亭是兵曹浙人應方山所書扁柏每以寺始於明徵君及度禪師今徵君墓在山中者旣不可考寺僧又不知以禪師爲開山祖予意當建一祠以祀徵君及禪師而無其地若得卽此以拓之則山中勝迹益彰著矣然不知在何日也予謂柏曰師此舉甚佳昨游般若菴見臺邊懸二像乃徽人寫以貽僧慧光者一爲禪師一爲居士夫以方僧躉來居此猶知有此公爲山主獨可後耶柏笑而應之曰予當顛力爲之行卽請公爲記矣

攝山神祠

攝山顛舊有廟號江乘不知所祀者何神土人相傳以爲靳尚事在度法師神僧傳又以爲明徵君子仲璋者然仲璋爲臨沂令非江乘也今山下有地號江乘營則稱爲江乘廟者疑是也廟制甚隘嘉靖中善僧旣來住持茲山忽一日病中感夢乃新之後爲人火復又募人再新蓋至於三構而後成以山可四望闢四門各祀以一神而碧霞元君則南向焉以其始於夢也自是祈禱者不絕於道而西嶺重開新路行者遂如坦途矣

試茶亭白乳泉

自白雲菴而上數十步有石壁大篆書六字曰試茶亭白乳泉今雖剝落猶隱隱可見予與山僧捫蘿而視謂此書當不讓滁州琅琊山中醉翁亭三篆字也嘉靖丙寅予與黎職方游時曾搨以歸而此六字近在家鄉乃不可得何耶予又謂僧曰此字傳爲唐人所書雖不

棲霞小志

七

可考意當時必因泉然後植茶因茶然後樹亭今茶雖閒生石上而地之上下絕無泉可以當白乳之稱者意乃所稱白鹿卽白乳泉耶而山中原無所謂白鹿白鹿之稱乃俗子附會之說爾今旣改白乳爲白鹿又卽其坎而大之蓄魚其中以資目玩則試茶之事遂廢山中卽有新茶僧又樵而爲薪矣則茲茶也茲泉也何其不幸之甚耶往年僧福懋在山時與文德承名伯仁者俱吳人解茗事結社而居自采茶炙之汲泉以試是事在嘉靖乙卯丙辰閒時平湖陸光祖爲祠祭寶應朱曰藩爲主客華亭何良傳爲儀制其兄良俊爲孔目與予輩數人實爲詩倡和之其後稀矣

無礙菴

出白鹿菴不數十武度小石橋躡級而上松篁菜畦中有泉一坎坎畔茅屋一內住老僧一童子人不知其名

自號無礙人因以無礙稱之閉門諷誦經時不出然燈
焚香掘蘭摘花以作佛事客至煮筍啖之粲然一笑而
已

白雲菴

自中峰澗而上行林樾中有菴焉曰白雲其地益敞其
山益聳而其去顛益邇舊有老屋三楹一老僧獨居題
名徧滿壁上日與蝸涎蛛網爲伍近歲僧自然名正道
者乃始經營之山水之趣若有增而高深者戶外直與
東峰相對松風洒然來於四壁傍有密室週圍覆以香
衫前闢員竇日光內射則來者身心澄澈若在世外矣

印空安禪師塔

白雲菴之外路傍有石塔予與解脫瑞山二衲拂苔觀
之上微有字曰示寂當山印空安禪師之塔而塔之上
又一塔焉小小矣上亦有字不可辨可辨者止曰某師

棲霞小志

八

之塔而已而二塔之間有小碣乃上元令程公文純葬
其子者其文曰此吾兒程學祖墓碑嘉靖丙申歲八月
一日生汝於上元治我年四十八得汝遲有夢亦奇我
心則夷辛丑歲八月八日卒能誦詩曉穿衣竟一疾莫
可醫我心孔悲癸卯歲十月一日葬汝於攝山之岬生
斯塲斯葬斯禮亦宜得其歸汝嬉嬉孤墳纍纍風雨淒
淒我心曷施勒石以俾後世之知俾毋汝遺後書云南
京刑部湖廣司主事前上元知縣南城程熿立

白鹿泉菴

菴在中峰澗之上木寺舊址久廢自興善法會二師振
理之後乃有吳僧福懋杖錫而來是時嘉興五臺陸公
爲祠曹雅與游因爲菴以居而文伯仁亦寓寺外時同
游衍吟詠一時稱盛菴後石壁下有泉大不盈尺許人
稱白乳實不知山中自有白乳泉試茶亭在白雲菴之

上而此泉本名白鹿近時盱眙李環衛始隸書刻石於
上以表之而又擴其坎坎內不知何時有人蓄金魚于
內見人則避去而泉上菖蒲海棠脩脩有閒靜之趣水
自石縫中下穿入澗注爲品外泉經禪堂以出蓋寺中
之第一奇觀處也而菴內外尤多梅花茶樹可摘可烹
云

默坐軒

千佛巖諸佛皆依山而鑿上下大小雖不盡一然是處
莊嚴森肅人難夜宿嘉靖中忽有道人於紗帽傍巖龕
中默坐久之人憐其露處白野般公邁乃以俸構一屋
以居吉陽何公遷題爲默坐軒自是人來游者必經其
地而日漸整理久之默坐者去近有僧號海舟者乃休
密諸生棄其家來寄於此解詩能書禮慧光和尚爲師
同居般若菴復自菴居軒中與二三僧寫經持齋又自

棲霞小志

九

往山之前二里許地名直山者相其處欲爲一室以處
晨起持鉢叩主人之門而求之主人先夕感夢忻然而
許且令人爲持鋤荷畚刈樹誅茆予會同至其地直與
六合之方山相峙儻成蘭若亦勝處但不知後果何如
爾僧自詡堪輿術或者其能久乎

紗帽峰

山勢自中峰而下亂石哈呀其色蒼黑人稱爲疊浪巖
巖盡處一方龕四面皆可上上復一小洞內鑿以佛遠
望之如紗帽其上石罅中有松極爲寺之佳處予以萬
曆戊寅三月望日與吳興吳允兆月夜飲酒嘯詠其上
予醉先投宿於默坐軒洞中而允兆與僧幾旦始返僧
新安人以士籍落髮能書知詩允兆卧於松陰之下而
僧乃擲身於松顛微露溼衣亦不知也此予醒各示以
詩予視之而笑曰古今人游茲峰者多矣然孰有奇如

予三人者乎及予歸僧又來求賦一詩予搦筆卽昨事以贈今其詩在集中

明月臺

紗帽前一平石人指以爲此明月臺也予謂盡棲霞一山皆可稱臺盡臺所在皆有明月而何獨以此爲明月耶客謂予有山可臺矣而未必有月有月可山矣而未必有江惟此處明月之夕可以眺江見煙波浩浩自寒影中來若長虹若環玦其中蒹葭松柏交亂於山之顛水之涯者吾方以蘋藻視之則茲山也孰謂其可盡臺而茲臺也孰謂其不可以稱明月耶昔劉文房有攝山東峰尋明徵君故宅詩今予之游雖不敢上擬長卿然後之人有尋明月臺者必以此峰之石當之可也予他時作志當爲紀之予曰有是哉客之好奇也予當爲客紀之客名夢陽字允兆自稱北海生好游而能詩布袍

棲霞小志

十

草屨淹留山中者屢日夕云

喬司馬詩

棲霞寺以千佛巖勝巖以無量壽佛勝而佛適在中峰之左中爲一佛左右爲二菩薩今雖剝落而巖龕莊嚴之處猶在嘉靖中海鹽鄭公曉與諸公始重裝之然上下洞中有舊人題名者多泯沒矣今此洞止有喬司馬題名云李瀚喬宇同游而佛之前嵌一詩其他如景司業諸刻予往時猶及見之而今不可考喬公詩云殿右丹霞映碧幢懸崖石像鑿空在山連鐘阜平開嶂地俯龍潭半入江三晉壯游惟我共六朝舊寺許誰雙鶯花況值春將暮離思吟情兩未降後書白巖山人四字

品外泉

白鹿泉由石罅中出入中峰澗祇涓涓滴爾而自澗而出則潺潺有聲抵石澗窮處入伏槽由地中行過無

量壽佛前斜與石塔對乃會而爲池池六稜中刻石蓮座泉自蓮口中噴出聞往時高可幾尺今惟三四寸而已紛然如雪燦然若珠拄杖而觀則木葉滿池面聚而復散來而復去令觀者忘歸路也池下再轉而伏出禪房供眾用水之德普矣泉之味佳哉世有鴻漸當必予以定之

禪堂

禪堂舊基在舍利塔右久廢僧興善始建定慧堂以處眾門外壁上有殷宗伯邁送華嚴合論小石偈五峰文伯仁書堂後齋廚前有石池承水自中峰澗匯爲品外泉伏地而流至於塔前之元而出復伏流於石槽中至池而止僧隨取以供眾溢則散於外澗繩牀藤笠去住井井朝夕諷誦木魚金磬聲滿巖壑經行之暇亦精藝業春時多蘭則采蘭煮蕨以作佛事秋日落木則掃葉拾枝以當家計蓋主之者得人故繼之者益盛也

棲霞小志

十一

舍利塔

塔在無量壽佛之右自地至顛共七級今雖剝落然想像當時製作之工殆非今人所能及先卽地磬石爲基基四圍有石楯闌環繞塔之前又鑿石爲迴渠引品外泉爲流水人稱爲八功德水基上乃塔之座座上一級刻諸像如髮又上一級則稍高爲四金剛閒以四門石爲金鋪又上則皆刻以諸佛各柱之上有諸佛及經咒等書高不可辨上懸以鐵索垂以鈴今已斷絕蓋經風雨之久故石雖堅而裂墜者多相傳此塔乃隋時所建今其下猶有工匠姓名可考

徐鉉徐錯二題名

嘉靖中予與雲谷嵩山二師散步於千佛巖上下歎昔人題名近多磨滅每以沈傳師與二徐之筆蹟不可復

見爲憾一日忽於蘿根下隱隱見畫如徐字者及別蘇視之則徐鉉徐鍇二名並列筆勢有古人螺篆之法非唄臣楚金不能書也因徧歷而尋多得宋人題名手搨以歸裝爲小冊後諸縉紳莊嚴嚴佛匠者往往以赭堊坊之予每以此爲山中俗客敗人佳興而所幸者此四字猶在也然人不知尋者多矣

游九言所書六大字

古千佛巖棲霞山六大字乃宋慶元丁巳游九言大書就巖穴碑頗稱雄偉苔蘚交蝕近亦難辨傍又有小碣模糊尤甚獨二薜蘿根如酒杯千枝萬刺依之而上如虬如龍最爲奇絕

趙伯晟詩

詩細字刻於洞柱上後云宿攝山偶成五十六字淳熙庚子重陽後三日上元縣令趙伯晟父柱下有寶元二

棲霞小志

十一

年通州海門縣禮安鄉顧延嗣施錢買柱入攝山棲霞寺彌勒佛龕前諸字淳熙熙去寶元已遠而顧施錢買柱之時已有抽換之文則其在寶元前者又可知矣齊梁而後纓絡莊嚴不知視當日爲何如而自今觀之又不及淳熙熙矣趙令以九月二日刻此西峰天開巖石上又有重陽後二日題名則其在山中者踰旬非一宿而去則再乘而來其高懷雅躅亦度越簿書者歟

古佛菴

菴在方丈後崇坡之上內有吉陽山人所題扁始雲谷會上人來棲霞掘地得古佛形製甚古乃坐而試珠之像衣紋曲折識者以爲非唐宋之物因搆團瓢以居號爲古佛菴左爲小軒曰且止右爲觀堂內奉十六觀佛一時以爲雅尚而今乃易左右之屋爲禪室遂失初起之意矣門內雙樹甚巨長夏頗有清陰飛鳥多集其上

左有二徑一上明月臺一下千佛巖右緣山至般若菴之後有土路甚委折兩傍多栗葉春時桃花爲籬飛英亂人衣袂上出古巘菴亦可至山之顛也今其徒孫曰仁週者居之

方丈

在古佛菴之下堂名鹿野亦僧興善建舊有嶺南黎民表隸書額久不存今住持清柏居之柏卽興善所舉頗能繼其志欲重建大殿與法堂然後退處而其事一時難遂故今所募木雖散在林下而日就朽壞不知何時能畢其力也堂中多貴客所畱詩卷軸具存而吉陽何遷所書扁及聯尤夥蓋遷與雲谷交最密而性又嗜書故寺僧得而有之

退居

退居是住持興善自搆以待老者頗修潔雙桂婆娑暎

樓儀小志

三

蓮社堂前今其孫永斌等守之堂之上爲供佛之所左右設榻以待游人右爲禪室以居僧傍有一小樓名淨土閣登閣而望則中峰之松千萬株交影其前每晨露夕雨或秋月冬雪時尤爲奇絕憶嘉靖丙寅予與嶺表黎惟敬來游時正長夏遇雨予畱閣上者數日夕善公請予爲友人顧源清父作碑予模擬明徵君文爲之善公趺坐焚綫香于前三香未畢而予文已就將欲共立碣於山中後以力不辦而止今其橐雖在而善公又不作矣

冀京兆詩

在正殿後壁詩云環寺皆山雄且壯削壁奇峰疊青嶂清風軒憑虛無僧明月臺高空色相邃古雲崖靈籟聲嶙峋怪石野客行憂民苦旱正惆悵敲枕忽聽鐘鼓鳴後跋云成化丁未秋九月檢旱於上元之長蘆鄉至棲

霞寺登其顛石佛種種山勢崔巍徘徊久之乃覩石刻見宋令趙伯晟詩遂次和之迨弘治己亥予同邑周密邦慎來尹因題以紀歲月應天府府丞淮南冀文華

江總持碑

在正殿前楹之右其原石燬於會昌宋時有僧損贖購模木而重刻之江南六朝刻雖多亦難得佳者世傳鍾山內多有然今爲禁地已不可得而梁時一二碑在花林與甘家巷者又皆剝裂獨一華表上字完整可搨而字又反書不知當時何以爲此制也表後一巨碑立田中文乃徐勉所造而書字人爲吳興貝義淵字畫絕佳尚有數百字可搨其視江碑所書蓋度越數倍矣其他二碑螭物已墜不但無文可讀而已

明徵君碑

山門外之右乃唐高宗文高正臣所書正臣以善書爲

樓霞小志

十五

相王旦侍書而此碑結體與聖教彷彿則當時所尚可知矣宋米元章有詩正指此碑而言而不知何故棄在路傍意唐時寺門由碑路以入而後人乃重改之故即碑久在綦莽中無知者嘉靖丁未予始與客游亦惟披草視之而已及壬子癸丑時乃有寺僧能搨而予因命搨之今茲數年搨工以爲衣食而錚錚之聲日聞於遠邇矣往興善欲爲洗其刻予急止之惟勸當覆以亭自善之亡碑雖幸存舊意而亦無人亭之者

梵志詩石刻

山門右壁上一小石碣予嘉靖丁未始游時卽見之後又與嵩山于畫石岡得一塔記亦唐時僧所立者嵩山因命寺僧移之將與此刻并別嵌於崖龕也而後俱不果然此詩猶存而塔記已不知所在矣寺門之外又有昌禪師塔銘乃秦定二年所立者字不甚佳附記之

棲霞山門內石徑透邇松林前有二幢一爲唐咸通九年戊子一爲南唐保大六年戊申上各有所書咒字多磨滅不可盡辨其地平敞藏蓄可結屋以居今雖有僧葺一茅宇以處然不足以擅其幽靚之趣蒼麓清柏自天界來期以他時退閒之後歸隱於此欲先卽其地以爲基幢之傍一松獨秀且多羣木依山構屋則高下可以登陟最爲幽處又前有流水匯而爲池清瑩澄澈可坐汲之無勞遠涉蓋其地在寺垣之內殿宇之外游者少至可以避喧離俗故自勝於他房也幢在處有之以予所見惟此與句容崇明寺者絕佳崇明所書乃出李北海此雖不可定爲誰人然其視衡陽寺則又猶此之於崇明矣

攝山棲霞寺供繡佛記

棲霞小志

十五

昔劉中山因畫像作記李彰明爲粉圖致讚夫以翰墨之神尚能入夢搏塑之妙且欲摘詞如此而況刺繡之工出於閨媛之願力者乎是以金輪有織紋之稱龜蒙有錦帶之頌正欲美其製造歎其精緻云爾攝山棲霞寺繡佛者乃宋明州定海縣陳氏爲父母而作以資冥福者觀彼刀尺之微知其虔誠之極吐絲杼上宛成三聖之容卷軸寰中的是一心之巧流傳旣久遷播無常不知何時遺於江浦縣之西林寺焉棲塵梁上久無拂拭之人弭節途閒爰遇慈悲之士於是金陵倪民悅字公甫者以四代尚書之胤綰一縣令尹之章出宰楚圻入覲燕闕迴轅之次偶驚靚之遂酬以俸貲攜歸故里細裘脫落重爲裝潢用萬曆元年癸酉仲春設鼓樂以導之結幢旛以護之躬同緇素送入於攝山棲霞寺時則禪師雲谷法會講主素菴貞節住持蒼麓清柏共候

石門之內而菴主僧永斌逢迎於澗橋之傍夫公甫以一日之游往遇百年之勝迹三圖因片時之遇來棲于佛之名巖此其機緣會合若有不偶者矣既而次年甲戌公甫以事走都遇於少司馬新安汪公之座告予以既解蘄水之組將尋攝嶺之耕奉我慈幃永棲淨域子於歸時爲我作記他鄉故友握手生歡寓邸新知論心多感予心許之而未暇也今年戊寅三月十又四日公甫又邀予及湖州吳君允兆爲采茶之讌復經此地吳君有兄宰於瀨水因省視出游作方外司馬登陟之餘公甫再伸前轡吳君亦憇憇之予乃以十八日之晨起坐而諦觀見其金綫雖微玉毫如在蓮花雙跣纓結同行手內楊枝洒甘露於一滴胸前寶葉現瑞影於千層誠世外之奇珍乃山中之淨供也夫公甫以簪笏之英謝執綺之習自大皇父文僖公大父文毅公父雲南公奕葉相承虔心益固善緣屢結勝果常成遂使母氏三人同心一志撫茲遺廕致有今時此雖不足以槩公甫之孝思獨不可以見慈親之貞懿乎僧斌以前覺義善公之孫爲今沙門白足之選貽而藏之時出供奉香燈昕夕不懈稽首之忱金石行眠益切皈心之願予於曩時已與公甫結筆硯之交矣茲者年踰知命身且鰥居辭婚嫁於區中結禪說於林下女無靈照深愧龐公子非仲璋敢希明老聊以聽講之餘述爲此記庶他時得入貞珉同垂觀於後目也

南京僧錄司右覺義兼住大天界寺前棲霞寺住

持嵩山禪師善公碑銘

維昔高賢與名緇結方外交卽其人有翰墨泉石之好者猶在所取況能明禪理者乎況又有建立振起之功者乎然則予於嵩山師惡能已於言也嘉靖戊申己酉

開予讀書報恩是時與師遂相往來及萬曆甲戌以事
赴都相遇旅邸後師卒返葬故里而予又自北而南遡
其交情幾三十年比今再過蘭若則感今愴昔尤所動
念其孫永斌乃以文請予於師雖欲不文其孰能文師
耶師法名興善世姓薛父聰母袁夢僧求宿因而有姪
生後卽性不嗜葷人啖以腥血則吐之七八歲時與羣
兒游戲便解作佛事識者每曰此兒終當作方外人也
十四改父出家師禮大方和尚落髮受三歸五戒及後
遂志在參尋畱心講解而操行尤爲介潔再後又復從
天界寺恂公受度嘗於閱經次有僧曰子鑽故紙耶遂
默然良久掩卷而起自是惟耽真觀以求解脫是時浙
僧法會習禪持戒一時文士多與之游師同追隨往來
業益精進後會移棲霞鴻臚卿海鹽鄭公曉儀部郎西
蜀劉公起宗及諸縉紳先生顧曰茲寺消歇若此師意

棲霞小志

七

如何曰叢林大若得人則興二公曰師有其人乎會以
師爲薦二公轉言祠部遂使之住持茲寺以嘉靖壬子
十二月三十日領部劄來時寺久廢僧徒稀少鄉人侵
漁者眾師勤以勵眾潔以植法後己先人不弛不縱禁
其樵采時其牧放凡巖泉邱壑無不刈薙而殿堂廊廡
尤所注念山之巔舊有祠頽廢則鳩眾立之鋤方丈蒿
萊新爲鹿野堂會治地得銅像因建古佛菴道人露坐
巖下卽依巖構默坐軒以居爲聽講僧築定慧堂置藏
經於內使得翻閱莊嚴諸像凡來瞻禮者無不起敬蓋
茲寺建自齊梁廢而復振莫盛於師來之後而師之有
功於寺者尤在於興復土田清除徭役使僧不至於逋
竄官不致於紛擾者皆其力也是時師雖主棲霞之席
而志在退休乃卽方丈右隙地爲退居以俟逸老有蓮
社堂以待賓淨土閣以習靜而金身繡幢旂旒簷楹之

際者皆出自己力及隆慶丁卯僧錄缺右街省部試諸
大刹以師爲首舉辭不獲已及北赴祠曹復以戊辰正
月十七日住持天界師以棲霞始興其勢難久非我同
心者繼之不可於是舉法姪清柏以代而已獨專力於
天界之務寺在城南爲勝處積習久日就弛墜師日與
諸覺義經理之凡舊規遺範次第舉行公用之器貯在
庫司者續爲辦置使皆全備前後種松檜千餘株溝渠
階砌砥平繩直禪堂廢則延僧以居起鐘樓於殿之左
中貴齋內宮寶旛施於名山聞師之名願爲首立於寺
師具箋上啟以表聖慈僧有爲水陸諸像者始至京都
問師之居而禮曰吾願以入天界也師不逆其意笑而
畱之寺有賜田三千七百餘畝舊在深水宣城聞今專
隸於高淳縣豪民肆爲乾沒隆慶庚午遇例量田遂將
應免糧差混與編民爲一師奮然向眾歎曰今此不爲

棲霞小志

丈

將常住之事壞於一人矣於是躬思奏請以蠲之及至
京師以道途積勞與應酬之擾事方未及詳覈而五月
四日順寂於長壽菴矣師雖以寺務殞命然自在家以
至割俗由住持以至覺義其無欲之行有爲之才灼然
人口者則不可掩而勤勤懇懇於西方淨業者尤多感
應之迹棲霞有石浮屠乃隋文帝所建師瞻禮勤至嘉
靖辛酉二月二日塔忽放光移時乃沒十月十五豎定
慧堂梁天時無雲法雨飄洒十八日夜法鐘自鳴屢於
夢中見無量壽佛坐白蓮花乘空來下師向之作禮及
醒而瞻禮頂戴未始少輟度徒一人隆化先歿今孫一
人卽斌徒二人延德延洲孫二人福檀福椿斌素爲師
所教迪內典外學咸知大旨蓋亦可世其業者故予於
其請不辭而爲之銘曰

繖嶺之興徵君始之亦有大士實維度師閱世旣久遂

至荒墜不有其人曷其能繼厥人伊何亦曰善公大士相之會也實從榛榛蔓野手闢其途孰此岑寂而使不孤公雖遠去厥念未忘乃有後人以嗣厥綱公行而北遂未及返遺此故居宛然興感悠悠古寺緬將千年俯仰今古維此四賢我爲作銘以彰幽蹟山石可刊永保勿失

萬曆戊寅三月前蘄水令倪公甫邀予及歸安吳允兆爲棲霞之游旣而二君各以事還乃予獨畱寺中日夕同僧上下巖壑隨所得紀之與清柏法通往衡陽寺寺近陽山湖其登陟之趣雖讓徽嶺而四面迴合雅稱幽靜門外二石幢南唐時所立殿內石鑪鑄宋宣和五年癸卯造諸字工製奇絕色質澤潤僧房內佛菩薩三尊傳爲海外人所遺然不可知矣晚還棲霞講師貞節邀同清柏往花山觀其孫新創圓通精舍山在句容縣自

棲霞可三十餘里卽至所謂精舍者舍之上不數十步有菴曰白石僧聞其來具浴請宿夜寒多風幾雨而霽曉起與清柏望山顛而步未數里至一菴曰回龍其地多流水新篁蒙密又饒藥草僧煮筍吸茶同行至出水菴由出水而上曰葡萄葡萄者蒲塘之訛也僧方寫經綻衲築園伐樹以自給而坡傍一石特方正可書予乃題三大字曰葡萄巖并紀歲月姓名以出自此登顛路曲折可數百級方至有菴曰誌公其下里許大小洞六七處曰黃花僧言山之得名以此乃誌公悟道之處按傳誌公生東陽去此山不甚遠然洞地卑隘似不足以棲僧又言山前有東謝西謝者乃誌公受記之家其族猶盛所生女多不茹葷則其或在此抑又有不可知者菴之上有茅茨僧古清居之清亦講師之孫設午飯爲供飯畢復至精舍洎暮同還棲霞再宿於寺而二十七

日乃始還家嗚呼予自嘉靖丁未始游攝山聞人談花山之邃卽有志游之不果及後買山大城大城二十里至湯水湯水卽近花山謂可一游也而不知山之勢甚大湯水特山之西南隅爾由湯水入山由山至精舍各且十又餘里則是山誠不易游而游亦難徧今之游止在山之西其他未至者尚多但山中可游者雖多而其顛則以志公菴爲勝顛又以洞爲勝洞之外長江在目煙樹杳靄望之令人有褰裳之想則是游雖未至者三而所得亦已多矣故因紀之以附於志後志始於淨業者以寓退居出門向右而西自此直達山之顛緣左向東遂自試茶亭白乳泉復至退居再出前殿則冀京兆詩以至二幢皆次第可見獨前兩傍有僧廬五六處不志者以其依山而處乃往時舊有者不必志故不志也廿九日記

右棲霞小志一冊明盛時泰撰按時泰字仲交南直隸上元人嘉靖中貢生天才敏捷好讀書不事家人生產王弇州見其兩都賦贈之詩云遂令陸平原不敢賦三都其推重如此金陵大好山水仲交落拓不偶頽然自放巖壑以筆墨寫其無聊不平之氣棲霞擅名於齊梁閒距城止四十里尤屐齒所常到磨巖題字氎椎殆徧此志於前人故迹名流題詠未盡甄錄特訪寺尋碑絕幽鑿險所記宋人題記約三十餘種其敘述簡潔文體亦游記之佳者同時焦弱侯爲刊之傳本罕見 國朝嘉慶己卯津逮樓甘氏重刊序云山中興廢非昔題識亦多晦嚴子進金石記塵載九種咸豐兵燹大地陸沈梵宇琳宮摧燒殆盡然近年翁鐵梅宿山中十餘日所得四十餘段此志所載未得者止治平陳良肱王仲基宣和錢伯奇韓晞

方楷五段志所未及者約二十餘段前賢不且畏後
生哉光緒丙申冬初江陰繆荃孫跋

焦刻未見甘刻頗多訛字如二徐書有古人螺篆之
法按吾子行三十五舉云篆法匾者最好謂之螭匾
徐鼎臣云非老手不能到石鼓文字也螺篆其螭匾
之誤與又云螭物已墮按碑額上盤者爲螭下負者
爲鼃鼃不云螭物物字字書亦無又云張陵蘇稅後
又作江陵蘇松今拓本作溫陵蘇稅二段張江稅松
皆誤王雱題名今拓本作王旁並非王元澤均訂於
此荃孫再跋

樓霞小志

三

樓霞小志

未及音聲二十餘

共一萬一千二百十四字

唐兩京城坊考

唐兩京城

唐

兩

京


城

坊

考

卷

一



唐兩京城坊攷校補記

就

程鴻詔伯敦

宋皇祐時欲行人閣儀莫知故實仁宗得唐長安圖儀始定元豐時都官員外郎蒙安國得唐都省圖獻於朝遂遷舊七寺監如唐制政和時宋昇奏端門橋制攷唐洛陽圖之四橋而胡身之注通鑑亦引閣本太極宮圖閣本大明宮圖唐宮省圖之珍重在宋時已如此大興徐星伯太守松讀舊唐書及唐小說於宮苑曲折里巷歧錯以長安志證之得其舛誤而東都則於永樂大典中得河南志圖證以玉海所引禁扁所載知是次道舊本其源亦出於韋述兩京記而加詳亟為摹鈔采金石傳記合以程大昌李好問之長安圖作兩京城坊攷時嘉慶庚午歲也道光戊申

城攷校補記

平定張石洲大令穆刊之靈石楊氏連筠移叢書中予得而讀之愛同球璧庚戌自雞澤南歸舟中暇有校補次而記之以貽好古者

西京外郭城圖 龍首渠 補澆水 興道 補瑤林

安仁 補本安民 務本 補即玉樓 永樂 補即平樂

靖安 補或作靜安 大業 補本弘業 崇仁 補昌化附

晉昌 補或作進昌 長樂 補即延政 安興 補即廣

化 補勝業 補本宜仁 宣平 補或作宣政 修行 補本

修業 修政 補或作循政 興慶 補本隆慶 常樂 補

亦名大同 靖恭 補即靜恭 立政 補長安圖分為談

敦化 補即敦教或作通化或分長和 缺補殖業

崇業 補即安善 光行 補即光仁 興化 補客戶

治成附 崇德 補本弘德 懷貞 補即懷賢 豐安 補

俗作安豐 修德 補本貞安 輔興 補正平附 布政

補本隆慶 光德補善和附 醴泉補本承明 嘉會

補和會附 永平補本永隆 昭行補本顯行 義盛

補本熙光 崇化補本弘光 永和補本淳和

西京三苑圖 漢未央宮 漢長樂宮中間補秦檮里

子墓

西京宮城圖 凝香閣校攷從大典閣本圖作凝陰閣

此依長安志作凝香當攷攷 凝陰殿校攷從通鑑

注引閣本太極宮圖作凝雲閣此仍長安志作凝陰殿

當攷攷攷

卷一西京 太極殿補注困學紀聞唐會要武德元年

五月改隋大興殿為太極殿 承天門注正當唐興村

門首補朝野僉載開元二年六月大風長安街中樹連

根出者十七八長安城初建隋將作大匠高穎所植槐

樹殆三百餘年至是拔出又注唐興村隋曰楊興村

唐時改之補廣記百三十五西京記云長安朝堂即舊

楊興村村門大樹今見在初周代僧根言多驗時村人

於此樹下集棖來逐之曰此天子坐處汝等何故居此

及隋文帝即位便有遷都意左藏庫補注酉陽雜俎

天寶初於左藏中得五色玉凝陰閣校在圖下凝

雲閣校在圖下補注按異聞錄天寶七載秦中旱帝

親幸龍堂祈之不應幸凝陰殿召葉法善祈鏡龍雨大

樹亦作凝陰殿也

東宮 麗正殿補注麗正殿有藏書陸龜蒙和皮日休

詩云貞觀購亡逸蓬瀛漸周旋昃然東壁光與月爭流

天偉矣開元中王道真平平八萬五千卷一一皆塗鉛

人間盛傳寫海內來窮研自注云開元麗正殿書錄

皇城 承天門街東第四橫街北從西第一尚書省注

大唐新語下補兩京新記並云又注俗誤為檮里子墓

城攷校補記

二

下補朝野僉載尚書考功廳前一雙桐樹開元四年東

樹忽枯月餘西邊樹又枯第五橫街北次東禮部南

院補注逸史齊映應進士舉至省歇禮部南院遇雨徐

步牆下街西第六橫街北次西御史臺補注御史臺

記京臺監察院西行中閒號橫擘房先無窗後人置之

大明宮百官待漏院補注國史補凡拜相府縣載沙

填路自私第至於子城東街名曰沙隄百官早朝必立

馬建福望仙門外宰相則列於光宅車坊避風雨元和

初始置待漏院含元殿補注芝田錄會昌開成中含

元殿換一柱勅右軍采造蓋屋工人遇一巨材鋸解至

二尺血流中是巨蟒急推曳渭流下含元殿後曰宣

政殿補注杜陽雜編德宗試制科於宣政殿獨孤綬試

馴象賦上覽稱歎又廣異記高宗營大明宮宣政殿始

成術者劉門奴見鬼稱漢楚王戊太子葬於此是其故

城坊改校補記

宅日華門外為門下省補注舊唐書地理志京師東

內正門曰丹鳳正殿曰含元含元之後曰宣政宣政左

右有中書門下二省高宗以後天子常居東內月華

門外為中書省補注感定錄韋執誼為職方員外所司

呈諸州圖每至嶺南州圖必令將去及為相北壁有圖

經閱之乃崖州圖果貶崖州司馬又注樂天故於省北

初亭以通騎省牖也下補蘇軾有樂天西掖通東省詩

跋云唐時得西掖作窗以通東省而今日本省不得往

來可歎也光範門補注集異記宰相狄仁傑入奏事

出至光範門以昌宗裘付家奴衣之促馬而去是宰相

奴得至此門門外方可馳馬又據言新進士過堂日先

於光範門裏束具供張同年於此候宰相上堂是新及

第得於此門飲酒紫宸之後曰下補玉宸觀前注元

稹寄浙西李大

夫詩注玉宸觀在紫宸殿後太液池

有亭注太液亭有尚書君臣事跡餘下補又有網索元

稹詩云網索西臨太液池注網索在太液池上學士候

對歇於此又李紳有太液池東亭候對詩麟德殿補

注洞天集嚴遵仙槎唐置之麟德殿長五十餘尺聲如

銅鐵久而不蠹翰林院注在麟德殿西校當云翰林

志院在銀臺門北麟德殿西長生殿注閻氏若璩云

大明宮寢殿也補閻又云唐寢殿皆曰長生校鄭嵎津

門詩自注長生殿乃齋殿也有事於朝元觀即御長生

殿以沐浴飛霜殿即寢殿而白傅長恨歌以長生為寢

殿誤矣嵎就華清宮言然自注如此可證閻說是非

壽春殿補注北夢瑣言天復元年李茂貞入朝昭宗御

安福樓翌日宴於壽春殿

興慶宮興慶殿補注殿有複壁杜陽編德宗幸興慶

宮於複壁寶匣中獲輓玉鞭殿後為龍池補注明皇

雜錄神異錄並云開元中三輔大旱宗密以玉龍子

投南內之龍池風雨隨作池之下補上為龍池新殿

並注開元時關輔大早上於龍池新剏一殿令少府監

馮紹正於四壁各畫一龍設色未終陰雲四布見明皇

雜錄宮之西南隅曰花萼相輝樓補注盧氏雜記元

宗集登科人於花萼樓前重試張奭白其東曰勤

政務本樓補注舊書讓皇帝傳宗於興慶宮西南置

樓西面題曰花萼相輝南面題曰勤政務本校西面南

面極確

三苑禁苑未央宮補注有秦樛里子墓論衡云樛

里子葬渭南章臺之東曰後百年有天子宮夾我墓至

漢長樂宮在其東未央宮在其西武庫正值其墓西

樓補注朝野僉載姜師度於長安城中穿渠繞朝堂坊

市上登西樓望之師度堰水龍柴棧而下不知其處

上補北樓並注因話錄(玄)宗嘗登苑北樓望渭水見一

醉人臨水臥披知為禁苑樓者苑北枕渭也又補落

雁殿並注朝野僉載太宗養一白鶻號曰將軍取鳥嘗

驅至殿前然後擊之故名殿云落雁也上令鶻從京送

書至東都與魏王

渭橋補中渭橋三苑圖有在進士楊楨宅纂異記楨家於

卷二西京外郭城東啟夏門補注啟夏門在南之

東延興門在東之南皆異維也王洙東陽錄長安之異

維御宿川之東峙地名苟家背當在兩門之閒霍小玉

傳葬御宿原亦此閒也酉陽雜俎工部員外張周封舊

莊在城東苟家背前定錄貞元初大學杜思溫夜宿苟

家背架家音同又終南山亦在此門外原化記開元中

陸生出啟夏門直至終南山下續仙傳終南山子午谷

城坊效校補記

通化門補注集異記上都通化門長店多是車工所

居輪轅輻輳皆有定價春明門補注春明門時即稱

東門門外有鎮國寺寺東偏有僧運平舍利塔塔旁有

賈昌舍竹柏森然見陳鴻祖賈昌傳又唐闕史春明門

外有逆旅及灞水橋石岸聞奇錄鄭昌圖居長安夢出

春明門至合大路石橋上遺履一隻及寤牀前果失一

履於石橋上尋得之朝野僉載王無尋於春明門待諸

州庸車屬灞橋破唯得麻三車延興門補注河東記

盧佩妻乘馬出延興門至城東墓田中西面三門補

注長安城西有漕店見異聞錄葢城西漕渠旁地金

光門補注御史臺記太常寺卿裴明禮於金光門市不

毛之地

萬年縣所領蘭陵坊補注河東記有使者出蘭陵坊

西門見一道士身長二丈餘補四條並注校書郎殷

保晦妻封氏殉節處注封名絢字景文能文章草隸黃

巢入長安封與保晦匿蘭陵里拒賊遇害見廣記二百

二十坊南小門注酉陽雜俎京兆尹黎幹怒杖老人

疑其非常命坊卒尋之至蘭陵里之南入小門大菜

園注史大曆中王員外好道術裴老約於蘭陵防西

大菜園後相覓果見小門引入有小堂甚清淨旬日復

來其宅已為他人所賃賃宅注見上

保靈坊 昊天觀補注芝田錄有僧謁李德裕言京都

一井與常州惠山寺泉脈相通在昊天觀常住庫後是

也又李德裕寄茅山孫鍊師詩云欲馳千里思惟戀鳳

門泉注云茅山句曲金陵地肺土良水清作井正是長

安鳳門外井水味當是洞泉遠通耳按鳳門或即丹鳳

門李德裕宅在安邑坊父吉甫舊居也近丹鳳門外亦

可證泉脈可通之說

城坊交校雜記

六

務本坊補民家並注酉陽雜俎上都務本坊貞元中有

一人家打牆掘地遇一石函見物如絲滿函飛出忽有

一人起於函中被髮長丈餘蓋太陰練形日滿必露

崇義坊補執金吾王因宅並注乾驥子王因亡移其宅

崇義里又補萬年縣尉薛少殷宅並注前定錄少殷舉

進士日暴卒於長安崇義既醒具述其事

長興坊 旅館注酉陽雜俎段成式元和中假居長興

里補自後徙居數處按段亦居修行里又南楚新聞段

於私第鑿池獲鐵片懸室中北壁時有金書兩字報十

二時此池不知在修行宅否

永樂坊 張說宅注引常侍言有永巷者按永巷當

依大唐新語戎幕閒談作求土 蕭寘宅補注韓愈有

奉和李逢吉題蕭家林亭詩樊氏注蕭瑀嵩華復倪寘

做遇凡七葉宰相嵩第在城南永樂坊見長安志劇談

錄龍復本善揣骨相笏永樂蕭相眞居諫署日詣之授

以所持竹笏復本日宰相笏後如復本言也蘇過宅

注永樂第校第當依博異記作里補旅舍並注玉堂

閒話元和中湖州錄事參軍旅舍俯逼裴晉公第校裴

宅在此永樂坊又補相國李石宅並注據廣記四百

七舊書在親仁坊

靖安坊韓愈宅補注宣室志愈於靖安里晝臥見神

人曰威粹骨蔕國世與韓氏爲仇今欲討之十二月愈

卒又韓愈示兒詩言屋內外景物甚詳又有庭楸詩此

宅庭內有楸樹五株他樹四株東堂可以見山南亭有

松果瓜芋之區西偏有槐榆北屋乃內室元稹宅補

注元作鸞鸞傳云貞元歲李公垂宿於予靖安里第

卷三西京翊善坊補韋蒙宅並注仙傳拾遺東京翊

善里韋蒙妻許氏校東京無翊善當是西京此坊

光宅坊補車坊並注國史補初百官早朝立馬建福望

仙門外宰相則於光宅車坊避風雨校車坊屬大僕寺

光宅寺補注唐畫斷光宅寺七寶臺後面尉遲乙僧

畫降魔像千怪萬狀

永興坊魏徵宅後補殿中侍醫孫迴璞宅並注冥祥

記孫迴璞與魏徵鄰家民家後補漁人許儼宅並注

法苑珠林京師永興坊許儼取漁爲業

崇仁坊資聖寺補注西京記秀禪師長安中入京在

資聖寺忽戒弟子滅鐙燭因說火災不可不備佛殿鐘

鼓樓經藏可惜至夜果焚佛殿鐘樓經藏三所王立

傭居校傭居二字改宅字立所傭居在大監坊補旅

城坊攷校補記

七

寺西廊下不肯住院 張靖宅注本國子司業崔融

舊第 校本字上脫尚書故實四字 王哲宅 注拾得一

石子 校本 石子下脫朱書曰修此不吉 馮震宅 校本 馮當

改馬

宣仁坊 補崔尚書宅並注李娃傳詳布政坊又補蕭餘

宅 並注雲仙雜記蕭餘於上元夜宣陽里第酒盤下得

一物類美石光彩射人

親仁坊 回元觀 補注鄭嶠津陽門詩注云時於親仁

里南陌為祿山造甲第今回元觀是也 補侍郎郭承

嘏宅 並注尚書故實郭侍郎承嘏初應舉誤納試卷一

吏為換出承嘏歸親仁坊自以錢三萬送興道里酬之

被承嘏宅即子儀宅馮宿宅注宿從子衮係下補雜

說又記馮給事入中書祇候宰相尚食令云給事宅在

何處曰在親仁坊 被衮一作充字又補大理韓泉宅並

注續定命錄德皇末馮羌任太常奉禮與泉同官其年

前進士時元佐任協律郎三人同約上丁日釋奠武成

王廟羌住長樂泉住親仁元佐住安邑羌拉二官同之

太平興道西南角

永監坊 楊憑宅 補注唐書憑築第永監里廣蓄妓妾

於永樂別宅為御史中丞李夷簡所糾貶臨賀尉張籍

傷歌行長安里中荒大宅朱門已除十二戟高堂舞榭

鎖管絃美人遙望西南天為憑詠也 王涯宅 補注宣

室志王涯字仲翔避暑於山亭酉陽雜俎永監王相涯

宅南有一井水腐不可飲又內齋有禪牀柘材絲繩工

極精巧 李聽宅 補注博異志元和中聽從子瑄任金

吾參軍自永監里出

永崇坊 孝廉陳巖宅 校本 孝廉上增秦州上邽尉 補

郝居士宅 並注宣室志郝居士在里中有符籙呵禁之

術 李晟宅 補注 李洵有贈永崇李將軍充襄陽制置

使詩 司徒兼中書令韓①宅 校 依韓愈撰碑增贈太

尉許國公 崔塗宅 此條後補 崔氏宅 並注 乾驥子華

州柳參軍長安上巳曲江見車子入永崇里知其大姓

崔氏女有青衣名輕紅

昭國坊 尚書右丞庾敬休宅 補注 唐畫斷云庾右丞

宅有壁王維圖山水兼題記亦當時之妙 補 李家南

園 並注 李商隱有過昭國李家南園詩又病中訪昭國

季十將軍遇挈家游曲江詩又送李千牛將軍赴闕五

十韻注者以千牛為李西平之孫

晉昌坊 注 晉一作進 補注 長安圖自京城啟夏門北入

東街第二坊曰進昌坊進亦作晉 大慈恩寺 補注 寺

有三藏院酉陽雜俎慈恩寺唐三藏院後簷階開成末

有苔狀如古荳布於塼上藍綠可愛 寺西院浮圖 注

城坊校補記

名畫記塔院有吳道元尹琳尉遲乙僧楊廷光鄭虔畢

宏王維李果奴張孝師韋巒畫 校 按唐畫斷吳道元所

畫塔前面西面又小殿前門也尉遲乙僧所畫塔前面

功德又凹堙花西面中開千手千眼菩薩也王維畢宏

鄭虔所畫乃寺東院小壁非西院也 若耶女子寓宅

補注 此女子自題瘦詞二九子為父後玉無瑕弁無首

荆山石往往有乃李姓名弄玉也 補 令狐綯宅 並注

唐書綯字子直李商隱詩集有子直晉昌李花詩晉昌

晚歸詩宿晉昌亭聞鶯禽詩

長樂坊 補注 西陽雜俎寶曆中長樂里門有百姓刺臂

出血斗餘 大安國寺 注 睿宗在藩舊宅 補 卽尊位乃

建道場施一珠鎮常住庫見紀聞 補 水館 並注 李商

隱有長樂水館送趙滂詩 補 傳舍 並注 撫言崔鄭侍

郎既拜命於東郡試舉人三署公卿皆祖於長樂傳舍

冠蓋之盛罕有加也

大盛坊 與唐寺補注 寺有御注金剛經院見唐書斷

補餘于縣尉王立備居並注 見集異記詳崇仁坊

勝業坊 勝業寺補注 寺有僧齊之卒二日而蘇因移

居東禪定寺院中建一堂極華飾長座橫列等身像七

軀見紀聞云 又補五條並注 羽林軍士王忠憲宅注

見博異記忠憲弟忠弁 李司倉宅注 廣異記王老於

西京賣藥李司倉家在勝業里知是術士敬待有加

北街槐樹北門短曲 劇談錄 王超過勝業坊北街有

三女子於道側槐樹下蹴鞠居坊北門短曲 司門令

史辛察宅 注見河東記 車備宅 注河東記 在辛察宅

居之西百餘宅

東市 下補注 廣異記辭矜開元中為長安尉主知宮市

送日於東西二市 資聖寺補注 東城老父傳賈昌大

城坊校補記

元年依資聖寺僧運平居東市海池立陀羅尼石幢

建僧房佛舍植美草甘木 補六條並注 趙太宅 注法

苑珠林長安市里風俗每至歲元日已後遞飲食相邀

號為傳坐東市筆生趙太次當設之 王布宅注 西陽

雜俎永貞中東市百姓王布知書藏錢千萬鄉旅多賓

之 李和子宅畢羅肆注 西陽雜俎東市李和子見鬼

將入畢羅肆鬼不肯前 旗亭注 東市有杜氏旗亭見

西陽雜俎 酒肆注 衛庭訓恆游東市隱於酒肆見集

異記又仙傳拾遺云穆將符給事中仁裕之姪長安東

市酒肆姚生與之善 小曲內臨路店注 原化記開元

時吳郡舉人逢女俠事東市小曲內有臨路店數間

安邑坊 奉誠園注 杜牧過田家宅詩安邑南門外誰

家板築高奉誠園裏地牆缺見蓬蒿 按雍錄 奉誠園在

安邑坊西 元法寺注 寺塔記張穎 按西陽雜俎 載此

事作張頰 李吉甫宅補注尚書故實李師晦得落星

石一片如斷磬端刻後狻首有孔穿條處光漏滑此石

流轉到安邑李吉甫宅中又唐書德裕所居安邑里第

有院號起草亭曰精思每計大事則處其中補協律

郎時元佐宅並注詳親仁坊下

宣平坊補三條並注裴遵慶宅注國史補裴遵慶罷相

知選朝廷優其年德令就第注官自宣平坊榜引士子

以及東市兩街 太子賓客賀知章宅注原化記賀知

章西京宣平坊有宅對門有小板門是西市賣錢貫王

老 羅邵輿宅注唐語林邵輿居宣平餘詳安邑坊封

敖宅下

昇平坊 漢樂游廟補注兩京新記樂游廟一名樂游

苑亦名樂游原基地最高補坊北門旁鬻餅舍並注

見任氏傳

城坊攷要補記

十一

修行坊段段成式宅補注西陽雜俎段成式城南別墅

有水耐冬又原注顧非熊有夏日會修行段將軍宅詩

未知誰宅俟攷補雜俎記秀才顧非熊見壞裙化蝶

事知顧段有往還也惟段官太常少卿不得稱將軍

道政坊 東平進奏院注奇鬼傳校奇鬼傳改乾牒子

補章正字宅並注朱慶餘題章正字道政新居詩云

獨在御樓南畔住又云眼前惟稱與僧鄰蓋此坊近興

慶花萼勤政二樓之南章宅又與寶應寺鄰也

常樂坊補五條並注八角井注此井與渭通西陽雜俎

景公寺前街中有巨井俗呼八角井元和初有公主令

婢以銀椀盛水椀誤墜井出於渭河此條補越景一江

嶺從事王直方宅注續元怪錄記錢方義事云王直方

居同里久於江嶺從事此條補錢徽一太常丞岳州刺

史馮芑宅注詳親仁坊下 祕書監姚合寓注姚合詩

舊客常樂坊井水濁而鹹 王居士宅注闕史常樂王

居士耄年持誦施藥有危病不救者能活之附校一條錢徽

宅注所引續元怪錄常樂第廣記三百四十六引作長

短之長長樂又別一坊矣

靖恭坊 楊汝士宅補注新書楊汝士傳所居靖恭里

兄弟並列門戟歐陽修楊侃墓志銘太和開成之閒汝

士虞卿魯士漢公居靖恭坊大以其族著

新昌坊 楊於陵宅注具慶中校中字當依本書作下

字 路巖宅補注劇談錄丁重善相人至路巖新昌里

第值于棕至路曰此人作宰相否重曰作相必矣 西

北校增此二字 太子少師牛僧孺宅補注本將作大匠康晉

宅事詳盧氏雜說又明皇雜錄云牛相第在新昌里西

北本晉宅補四條並注哥舒翰宅注幽明記哥舒翰

長安宅新昌坊 呂逸人宅注王維有春日與裴迪過

城坊攷校補註

三

新昌里訪呂逸人不遇詩云柳市南頭訪隱淪又云城

上青山如屋裏東家流水入西鄰裴迪亦有與王右丞

過新昌里訪呂逸人詩 旅館注聞奇錄程顏稅居新

昌里調選不集 民家注唐闕史青龍寺西廊繪毗沙

門天王新昌坊民時疫肩置繪壁下逾旬能步逾月以

力聞

曲江補二條並注曲江亭子注撫言曲江亭子安史未

亂前諸司皆有列於岸澣幸蜀後皆燼於兵火唯尚書

省亭子存焉進士開讌每寄其閒 校書郎李周南宅

注國史補李周南居曲江拜校書郎

卷四西京 長安縣所領 安業坊 唐昌觀補注程

瑤田釋草小記引長安志安業坊唐昌觀舊有玉藥花

乃唐昌公主手植也

大平坊 定水寺補注撫言賈島遇武宗皇帝於定水

精舍侮慢謫長江縣尉 鄭雲達王彥伯宅注 適雲達

立於中校 中下脫庭字依本書增 裴坦宅注 太平坊

校 依釋子蘭詩題作太平里 又補二條並注 法壽寺注

廣記二百十五西京太平坊法壽寺有滿師善九宮

王崇寶賢宅注 據言太平王崇寶賢二家以科目為資

足以升沈後進故科目舉人相謂曰未見王寶徒勞慢

走 興化坊 劉震宅注 且就客戶一宿來早同去未晚補

校 客戶猶言客舍也 據言云牛僧孺謁韓愈皇甫湜二

公曰可於客戶稅一廟院據據言及此無雙傳皆不謂

坊里會昌解頤錄牛生至京止客戶坊自坊至菩提寺

三十餘里又河東記段何賃屋客戶里此二書有坊里

之名意與廣異記所云楊元英開元中亡已二十載其

子至治成坊削家識其父壙中劍文同客戶坊客戶里

城坊攷校補記

治成坊皆假借之稱不能定其所在附記於此

懷貞坊 王郎中宅注 劉禹錫有題王郎中宣義里詩

云愛君新買街西宅校 此當在宣義坊誤刻重出

宣義坊 安祿山池亭補注 劉得仁有宣義亭子詩備

言池島菰蒲竹鶴之勝又姚合有題宣義池亭詩

安樂坊 王鉞舊宅注 創建遵堂校 遵改道字

布政坊補 三條並注 波斯胡寺注 本有醴泉坊景龍中

移此坊西南隅 司戈張無是宅注 紀聞天寶十二載

司戈張無是居布政坊行街中夜鼓絕門閉遂趨橋下

忽有騎至言至布政坊取無是妻其一則同曲富叟王

翁 富叟王翁宅注 見上

延壽坊補 鬻金玉者家並注 集異記延壽坊鬻金銀珠

玉者女邁病物故長樂王居士神丹活之 又補 民家

注 宣室志記王薰事云里中民家驢失一足

光德坊 鄱陽公主邑司 補注 盧照鄰病梨賦序云余

臥疾長安光德坊之官舍戶老云是鄱陽公主邑司公

主未嫁而卒故其邑廢 裴垺宅 補注 元稹西歸詩腸

斷裴家光德宅無人掃地戟門深 孔緯宅 注 緯又有

賜宅在善和里 補按 摭言善和韋中令在閣下中和初

隨駕西川命相又雲仙雜記引大唐龍髓記許芝有妙

墨入廚巢賊亂瘞於善和里第事平取之惟石蓮匣存

又國史補善和坊舊御井故老云非可飲之井地卑水

柔宜用濯開元中以駱駝數十馱入大內以給六宮以

上皆言善和里檢圖攷皆無善和僅見此注因附記其

事又雲溪友議崔涯張祜贈李端詩善和坊裏取端端

下云揚州近日渾成錯又云涯祜久在維揚則又揚州

之善和坊也

延康坊 西明寺 補注 廣異記則天時西國獻青泥珠

后以施西明寺布金剛額中胡人云西國青泥泊多珍

寶泥深不可得以此珠投泊中泥悉成水其實可得又

玉堂閒話長安西明寺鐘貧民竊鑿鬻之後盜鐘者抱

鑿坐枯

崇賢坊 法明尼寺 補注 乾牋子元和中寇鄜與崇賢

里法明寺僧普照為徒 按 此時又為僧寺矣

延福坊 玉芝觀 補注 觀有上清院詳蘭陵坊 補一

條並注 杜氏家廟 注 杜牧求湖州第二啟元和末十徙

其居歸於延福私廟支柱敬壞而處之

西市 市署 補注 朝野僉載魏伶為西市丞 鞞轡行

有驢其子和牽入西市戮行王胡子與緡半易之 緡

行 注 乾牋子功曹王愬在西市緡行舉錢共人長行

賣飲子家 注 玉堂閒話長安西市一家賣飲子藥百文

城坊攷校補記

七

一服千種之疾入口而愈蓋福醫也 酒肆注國史異

纂及紀聞並云李淳風奏北斗七星化人至西市飲酒

太宗使人往候有七人自金光門至西市酒肆登樓取

酒飲使者宣勅請至宮笑曰李淳風小兒言我也 波

斯邸注見續元怪錄 卜者李老居注原化記開元中

西市有李老善卜 西市北坊新宅注逸史齊映行至

西市北入一靜坊新宅門曲嚴潔 懷遠坊 寺內有淨圖 田圖西壁南圖 南圖之圖

依名畫記改南壁 嘉會坊 竇氏家廟附注乾腴子又云竇又京城和會

里有邸弟姪宗親居焉檢圖攷無和會坊附記於此

通軌坊補一條並注三衛劉公信宅注法苑珠林唐龍

朔三年長安城內通軌坊三衛劉公信妻陳死復蘇

普盛坊 李勣宅補注勤宅後為弩營獨異志云唐樂

懸獨無徵音天后末李嗣真聞砧聲在今弩營當時英

公宅無由得之後敬業敗瀦其宮乃於東南隅掘得石

一段裁補樂缺 義盛坊 化度寺補注報應記龍朔二年高紙出長安

順義門欲往化度寺按順義是皇城西面南門歷頒政

金城兩坊便至義盛也 波斯胡寺注貞觀十二年太

宗為大秦國胡僧阿羅斯立補注槐西雜志西洋艾儒

略作西學凡一卷末附唐碑稱貞觀十二年大秦國阿

羅木將經卷來獻即於義盛坊勅建大秦寺度僧二十

一人癸巳類彙唐建中二年大秦國僧景淨立景教流

行中國碑言大秦寺始貞觀十二年七月按通典職官

二十二視流內有薩寶府祇正視流外有薩寶府祇祝

薩寶府率薩寶府史注云武德四年置羣胡奉事取火

祝詛貞觀二年改波斯寺開元二十年禁民習末摩尼

坊坊及表補記

法天寶四年改波斯寺爲大秦寺其言不相應碑稱三一妙身无元眞主阿羅訶又稱其母爲三一分身景尊施訶云室女也誕聖於大秦補一條並注五娘宿處

注西陽雜俎上都義園坊有婦人風狂俗呼五娘嘗止

宿永穆牆下

羣賢坊補華州參軍柳生宅並注自金城坊遷此詳金城坊

崇化坊補祇寺並注西溪叢話貞觀五年有傳法穆護

何祿將祇教詣闕奏聞勅令長安崇化坊立祇寺號大

秦寺又名波斯寺天寶四年七月勅波斯經教出自大

秦傳習而來久行中國爰初建寺因以爲名將以示人

必循其本其兩京波斯寺並宜改爲大秦寺天下諸州

縣有者準此補注地音天天

豐邑坊下補注啟顏錄上都豐邑坊出方相又紀聞京

城坊效校補記

中方相編竹太原無竹用荆

永陽坊 大莊嚴寺注隋仁壽三年立禪定寺武德元

年改爲莊嚴寺大中六年改聖壽寺按異苑記大莊嚴

寺釋智興鳴鐘感應事在隋大業五年猶稱禪定寺也

龍首渠 澆水北流至長樂坡補注紀聞開元二十二

年京城東長樂村有人家齋僧一僧云適到澆水見老

僧坐水濱洗坐具按此長樂坡下有村近澆水之證餘

詳禁苑光泰門及外城通化門下又項斯有和李中丞

期王徵君同游澆水舊居詩又北夢瑣言盧渥於澆水

遇宣宗微行帝揖與相見請詩卷袖之乘驢去令主司

擢第

永安渠 又北流經大通敦義永安延福崇賢延康六

坊之西補注乾闥子云竇父日傭人於崇賢西門水澗

洗破麻鞋碎瓦子卽此渠也

卷五東京 東都外郭城圖 宜人補本宜民 安業

補安宜附 正平補即政平 康俗補即康裕 敦化

補本基化 道化補一作遵化 道德補本道訓 仁

和補本民和 正俗補利俗附 興教補即興道一作

敬 宣教補本弘教 履信補恭儉 會節補即惠節

睦仁補本睦民 永通補本依仁 仁風補一作仁

豐補人補本補民亦作補仁 大同補本植業 承

義補一作永義 明義補本顯義 西市補本固本坊

道政補本元吉 北市補本臨德坊又附振德 毓

財校攷作材 通遠補或作通達

宮城 長樂門補注 按此即光政門改名朝野僉載婁

師德於光政門外橫木上坐即此門也 觀文殿補注

大業拾遺武德四年東都平後觀文殿寶廚新書八千

許卷欲載往京師於河值風覆沒一卷無遺又陸龜蒙

和皮日休詩云近有隋後主 駢闐寶函映玉局

彩翠明霞鮮伊唐受命初載史聲連延砥柱不我助驚

波涌淪漣遂令往古書半在餘浮泉即詠此事也 集

仙殿補注 困學紀聞武后在洛陽不歸長安張柬之等

舉兵至后所寢長生殿又遷后於上陽宮皆在洛陽程

泰之雍錄誤為長安宮殿長安別自有長生殿

皇城 麗景門補注 舊書來俊臣傳麗景門亦號新開

門

上陽宮 宮之正殿曰觀風注武后還朝政後居此補

注張柬之等遷武后於上陽宮即此 麟趾殿補注 逸

史麟趾殿廷有大方梁長數丈徑六七尺

神都苑 黃女宮補注 西晉洛陽圖有皇女臺在外郭

廣陽門內流杯池畔 凌波宮補注 逸史注宗在東都

夢凌波池中龍女上為鼓凌波曲及覺遂宴從官於凌

城坊攷校補記

十七

波宮臨池奏新曲有神女出於波心良久乃沒因遣置廟於池上歲祀之

外郭城 長夏門 補注 皇甫枚三水小牘出長夏門由

闕塞渡伊水而東南踐萬安山之陰麓 上東門 補注

上東門外有鄭仁鈞別墅見戎幕閒談又集異記裴琪

家洛陽自鄭西歸至石橋有少年以後乘借之疾馳至上東門而別琪居水南促步而進徘徊通衢復出上東門投白馬寺西寶溫之墅按水南在歸德坊去上東門

甚遠 建春門 補注 唐闕史洛城建春門外有信安盧

尚書莊竹樹亭臺芟荷洲島實為勝境 又補原注敬愛寺一條之後

尚書故實敬愛寺東廊有雉尾病龍繪素奇巧入神三

水小牘云東都敬愛寺北禪院從諫姓張武宗時毀塔

廟諫潛於皇甫枚之溫泉別業又按李頎有敬愛寺古

藤歌 徽安門 注 此門外即北邙山 補注 錄異記李義

範住邙山 注 元觀每入洛徽安門必歇轡馬 又 劇談錄

北邙山有 注 元觀觀南有老君廟廟有吳道子畫杜甫

配極元都閣詩即此廟 又 乾闥子老君廟東北二百餘

步有大邱三四時號後漢諸陵有貴戚車出徽安門抵

榆林店一老翁歌曰我家在何處北邙松柏鄰 又 紀聞

婆羅門執幡花出城門北去至北邙墟墓閒 又 朝野僉

載北邙有白司馬坂

尚善坊 坊非天津橋 注 貞觀十四年更令石上 枝元

和郡縣志作石工 補一條並注 天津橋天宮寺 注 續

元怪錄李愬登天津橋因入憩天宮寺原化記華嚴和

尚在洛都天宮寺弟子三百餘人西京記洛都天宮寺

秀師元鑒默識中若符契獨異志天宮寺有吳道元畫

旌善坊 李翱宅 注 正月 下 校增己丑

惠訓坊 長 注 公主宅 補注 宅倉庫為將作大匠楊務

城坊校補記

六

廉所造見朝野僉載

道術坊

校注

則道街坊街是術字

補注

傳奇廣德中孫

恪游洛至魏王池畔

在此坊

有一大第土木皆新路人云此袁

氏第

在此坊

盧言宅

補注

此注所引語林與盧氏雜記文

歸德坊

盧言宅

補注

此注所引語林與盧氏雜記文

同雜記即盧言撰

敦化坊

麟跡觀

注

劇談錄東都敦化坊有麟跡見於

興慶觀

校

廣記百七十一引作有麟德廢觀

補一條

並注

邕管經略使張同宅

注

五代史唐六臣傳張策父

同為邕管經略使居洛陽敦化里浚井得古鼎銘曰魏

黃初元年春二月匠吉千十一字策曰建安二十五年

改延康十月又改黃初是黃初元年無二月

溫柔坊

補

王將軍宅

注

詳思恭坊

補

袁德師樓

城坊校補記

五

嘉話錄故給事

汝南袁高之子德師於東都買得婁師德故園起書樓

洛人語曰

昔日婁師德園今日乃袁德師樓

道德坊

補

書生宅

並注

紀聞東郡道德里書生行至中

橋遇貴人與語因南去

長夏門遂至龍門入一甲第

仁和坊

許欽明宅

補注

西京雜記唐東都仁和坊許

欽明宅院內有竹林

承豐坊

西南隅柳樹

注

盧貞和白尚書賦承豐柳詩

序承豐西南角有柳樹一株柔條極茂

補注

事詳雲溪

友議引白詩承豐坊裏東南角白集作承豐西角荒園

裏按西南是也又宣宗取入禁中乃兩株

安眾坊

坊北中橋

此注後補二條並注

上筮胡蘆生

居逸史中橋胡蘆生善卜聞人聲即知貴賤原化記

宰相李蕃嘗寓東洛時胡蘆生在中橋李往候之生曰
郎君兩紗籠中貴人也感定錄中橋有筮者胡蘆生神

之久矣 席氏旅舍注 集異記王琚姪四郎停中橋逆旅席氏家

宣教坊 李紳宅補注 紳有初到雒陽寓居宣教里時已春暮而四老已洛中分司詩

嘉善坊 祕書監蘇踐言宅注 五行記蘇踐言左相溫國公長子 據廣記引蘇上增司禮寺三字下增良嗣二字

南市補注 續元怪錄南陽張茂實唐大初中游洛中假僕於南市得王簟補一條並注 歎行注 西陽雜俎開

成初東市百姓騎驢語南市賣豕家欠我錢其人驚異牽往歎行賣之

通利坊補注 靜曲並注 河東記韋丹胡蘆生至通利坊靜曲幽巷一小門入數十步復一板門又十餘步乃見大門有人稱元濬之流連竟日

崇讓坊 河陽節度使王茂元宅補注 西谿叢話洛陽崇讓坊有河陽節度使王茂元宅宅有東亭見李商隱

履道坊 白居易宅注 新書本傳下增 東都所居履道里疏沼種樹構石樓香山鑿八節灘自號醉吟先生又

補注 居易詠興詩序七年四月予罷河南府歸履道第洛下卜居詩云且脫雙驂易自注買履道宅價不足以

兩馬償之 又有履道池上作詩 又 汎春池詩注此池始楊常侍開鑿中閒田氏為主予今有之蒲浦桃島皆池

上所有詠興詩云百吏放爾散雙鶴隨我歸歸來履道宅下馬入柴扉劉禹錫鶴歎詩序云樂天罷吳郡挈雙

鶴雛歸今為祕書監不以鶴隨置之洛陽第 又補注 宅東王大理宅注 白居易聞樂感鄰詩注又劉禹錫鶴歎

詩鄰舍夜吹笙注東鄰卽王家

詩鄰舍夜吹笙注東鄰卽王家

詩鄰舍夜吹笙注東鄰卽王家

履信坊補北牆注元怪錄洛州刺史盧頊姨蓄一獅子

骸在履信坊街北牆委糞中

會節坊趙懷正宅注酉陽雜俎趙懷正住雜會節坊

段成式家雇其妻賀氏紉鍼按據雜俎本文汴州百姓

趙懷正住光德坊病死妻賀氏住洛惠節坊

永通坊補西北有井注李商隱井泥詩云皇都依仁里

西北有高齋昨日主人氏治井堂西郵按此齋不知何

人所宅永通本名依仁

歸仁坊牛僧孺宅注舊書本傳雜都按雜都上依本

傳增畱守二字

仁風坊補李著作園並注元稹仁風李著作作園醉後寄

李十詩朦朧春月照花枝花下音聲是管兒卻笑西京

李員外五更騎馬趁朝時又琵琶歌寄管兒兼誨鐵山

詩云段師弟子數十人李家管兒稱上足管兒不作供

城坊文校補記

奉兒拋在東都雙鬢絲著作曾邀連夜宿盡日聽彈無

限曲自茲聽後六七年管兒在洛我朝天去年御史畱

東臺今年制獄正撩亂暫輟歸時尋著作著作南園花

坼萼

積善坊 李及宅下補南曲並注廣異記文下補及云

往南曲婦家將息

銅駝坊補注洛陽銅駝街在洛陽城東漢置銅駝二於

宮之南街四會道頭兩銅駝夾東西夾路相對諺云銅

駝陌上集少年言人物盛也又異聞集垂拱中駕在上

陽宮太學進士鄭生晨發銅駝里乘曉月度洛橋補

一條並注隱士辭機宅注乾巽子東都渭橋銅駝坊

有隱士辭機營蝸舍渭河之隈

立德坊胡祇祠補注朝野僉載河南府立德坊及南

市西坊皆有胡祇神廟每歲商胡酬神祈福募一胡爲

祇主有幻術法

補陳仲躬宅

並注博異記陳仲躬於

雒陽清化里假居移居立德坊

清化坊

補旅店

並注

乾牒子閻濟美到洛投清化旅店

道光坊

補安樂寺

並注

朝野僉載景龍年安樂公主洛

州道光坊造安樂寺用錢數百萬

北市

本臨德坊

補注

雲仙雜記洛陽振德坊皆貧民

賀知章目為穰市

校

振德坊不見所在廣異記張仁直

貧居北市與賀穰市言相應又本臨德坊地疑振德是

臨德或名

教業坊

裴休貞宅

注

與弟元素居啟業里

校紀聞本

文云弟休元素多力素字屬下句休元乃弟名此注誤

通遠坊

李龜年宅

注

移於定鼎門

校

門字下依本書

增南字廣記

引同

維渠


補注

伽藍記洛水橋南道東後魏時有白象坊

城坊攷校補記

三

光緒丁酉季夏江陰繆荃孫校正付刊



唐兩京城坊攷校補記

共一萬一千六百零三字

